

新纂云南通志

第八
函
十
冊



新纂雲南通志卷一百六目錄

宗教考六

佛教六

明季滇南高僧輩出

本智

儒全

釋禪

周理

讀徹

讀體

寂忍

學蘊

蜀籍之滇僧

覺聆

福慧

靜室之繁殖及僧徒生活

曲靖護國寺大乘 朝陽庵總持

雞山大靜室野愚 碧雲寺幻空

蘭陀寺與莘野靜室

白雲諸靜侶

九重崖河南師止足

永平萬佛堂了凡

順寧龍泉寺講經

雞山華嚴寺野池

新纂雲南通志卷一百六

宗教考六

佛教六

案本卷以後叙明季滇南佛教史跡新會陳援庵垣近著有明季滇黔佛教考既博且精茲摘錄有關雲南部份釐定爲二卷如次是書有陳寅恪序一篇與其纂述之旨趣及原委有關並遙錄於卷端

中國史學莫盛於宋而宋代史家之著述於宗教往往疏略此不獨由於意執之偏蔽亦其知見之狹陋有以致之元明及清治史者之學識更不逮宋故嚴格言之中國乙部之中幾無完善之宗教史然其有之實自近歲新會陳援菴先生之著述始先生先後考釋摩尼

佛教諸文海內外學者咸已誦讀而仰慕之矣今復以所著明季滇黔佛教考遠寄寅恪讀之並命綴以一言寅恪頗喜讀內典又旅居滇地而於先生是書徵引之資料所未見者殆十之七八其搜羅之勤聞見之博若是至識斷之精體製之善亦同先生前此考釋宗教諸文是又讀是書者所共知無待贅言者也抑寅恪讀是書竟別有感焉世人或謂宗教與政治不同物是以二者不可參互合論然自來史實所昭示宗教與政治終不能無所關涉即就先生是書所述者言之明末永曆之世滇黔實當日之畿輔而神州正朔之所在也故值艱危擾攘之際以邊徼一隅之地猶略能萃集禹域文化之精英者蓋由於此及明社既屋其地之學人端士相率遁逃於禪以全其志節今日追述當時政治之變遷以考其人之出處本末雖曰宗

教史未嘗不可作政治讀也嗚呼昔晉永嘉之亂支愍度始欲過江
與一僞道人爲侶謀曰用舊義往江東恐不辦得食便共立心無義
旣而此道人不成渡愍度果講義積年後此道人寄語愍度云心無
義那可立治此計權救飢耳無爲遂負如來也憶丁丑之秋寅恪別
先生於燕京及抵長沙而金陵瓦解乃南馳蒼梧瘴海轉徙於滇池
洱海之區亦將三歲矣此三歲中天下之變無窮先生講學著書於
東北風塵之際寅恪入城乞食於西南天地之間南北相望幸俱未
樹新義以負如來今先生是書刊印將畢寅恪不獲躬執校讎之役
於景山北海之旁僅遠自萬里海山之外寄以序言藉告並世之喜
讀是書者誰實爲之孰令致之豈非宗教與政治雖不同物而終不
能無所關涉之一例證歟

明季滇南高僧輩出

本智

中明佛教日趨式微迄萬曆後高僧輩出雲棲紫柏密雲湛然各闡宗風呈佛教復興之象流風所被遠及滇黔其時滇僧與之馳驅中原者首推朗目本智智號慧光曲靖李氏落髮朗目山故人稱朗目大師初遊方參不二徧融等八大善知識其後乃登天目蘭風和尚之門故徑石滴乳集稱爲蘭風法嗣徑山下第十三世也興復浮山刻九帶集名動京師當時宰官如汪可授陶望齡袁宗道王元翰等咸執弟子禮萬曆乙巳慈聖太后召開堂於蘆溝橋廣慈寺因與衆說楞嚴至同分別業二種妄見處忽下座告衆曰緣盡矣跏趺而逝訃聞慈聖震悼憫卹賜金返靈骨塔浮山妙高之南麓所著有法句

釋世桐城吳應賓撰塔銘稱爲浮渡山大華嚴寺中興尊宿朗目禪師曰浮山華嚴寺宋圓大師遠錄公爲歐陽永叔因基說法處是也其在國朝則古亭和尚以山雲水石作大師子吼去而還滇百年許而朗目禪師復自滇來浮渡稱中興尊宿云古亭即古庭序凡二千六百餘言愍山復爲撰傳見愍山集三十亦一千二百餘言

儒全

與朗目同時者有儒全儒全字用周號水月晉寧杜氏萬曆初禮古林爲師後與朗目同參遍歷海內宗匠一日至峨眉山四會亭得瑠璃三昧胸中瑩徹因偕寶山德住返錫滇中於邵甸普賢寺鍵關樂道羅近溪訪之以爲世所希有乃送之雞山主寂光寺朗目寄詩云雞山古寺初逢處楚國長途復遇時三十六年成久別而今題作一

聯詩又華首峯頭大寂禪煙霞養得慧身堅有時做到忘言處迦葉
重來展笑顏演釋紀道光志均無傳曩讀南來堂集附蒼雪寄徒三
和書云汝水月師祖塔建何處塔銘形狀皆曾有否我一生得力受
用處全得汝水月師祖些些子又蒼雪塔銘云幼從水月道人管書
記初不知水月爲何人旣而讀雞足山范志始知水月名儒全又嘗
讀徐霞客滇遊日記六己卯正月十九日條謂克心爲用周之徒不
知用周爲何人旣而讀雞足山志補有傳宗龍撰寂光三世水月禪
師道行碑始知用周卽水月定堂本帖之嫡孫住水月菴因號水月
而碑又未言其名儒全也

釋禪

儒全之後有釋禪釋禪字本無昆明張氏年十九禮通海妙空祝髮

稟具於大方得法於所庵後棲雞足研窮經藏二十餘年與所庵同
註肇論口述筆授一字未妥當仁不讓萬曆丁巳麗江土知府木增
題建悉檀寺延之開山並奏請藏經光宗特旨頒賜授秩僧錄左善
世兼賜紫衣所著有楞嚴懺法風響集因明論隨解標釋及老子玄
覽禪宗贊頌等崇禎壬申寂楞嚴懺今在藏其自跋云懺法度世繇
來尙矣而華嚴懺卷帙富博彌月方竟不甚傳布法華懺金光明懺
南中人目所未覩今之流通者梁法雲僧祐諸師以齊竟陵王子良
夢感所撰淨住子二十卷節爲十卷即梁皇懺也南宋孝宗之世左
街僧錄若訥撫取佛名經十五卷之文爲水懺三卷兩懺詳略雖殊
理無不該事無不盡無所容置喙然人心輕佻於祭祀之誠肅敬難
久今梁懺竭蹶四日已屬倦怠中下之家以費鉅阻辦而水懺一日

有拜三部者似乎繁簡未中釋禪既獲退居牟尼山止觀之際覺根塵之宿業偏重思欲湔洗乃依楞嚴經修次懺法二卷四百餘拜終日可畢持以澡雪罪垢揩磨靈臺未必不爲淨土禪悟之助云徐霞客滇遊日記六己卯正月十一日條弘辯安仁出其師所著書見示即釋禪所著老子玄覽等也

周理

與釋禪同時者有周理理字徹庸雲南縣杜氏即著曹溪一滴者陶珽有徹庸小傳稱爲妙峯山開山善知識徹庸禪師徹庸舊號徹融易融爲庸自珽始年十一入雞山禮大覺遍周爲師長往姚城參密藏密藏印證讚嘆者久之曰滇中佛法幢在茲也比得古庭錄心師之恍若付囑者語言文字外卓有覲人得大自在一時道風旁暢得

法弟子有無住洪如等聲震雞山又嘗請藏南都時密雲說法天童入室請益相視莫逆欲留不可辭歸妙峯說者謂滇南自古庭後二百餘年祖燈再焰實賴斯人云所著有谷響集陶珽爲之序徑石滴乳集四有傳稱爲朗目智法嗣

讀徹

儒全之徒有讀徹世稱蒼雪法師然人之知蒼雪者多以詩鮮知其爲華嚴宗匠詩特其餘事耳錢謙益有學集三六有中峯蒼雪法師塔銘云清涼一宗自長水晉源不絕如綫勝國時滇南蒼山再光瑞師表明華嚴懸談輯會立記開鍵啓鑰蔚爲教宗萬曆中蒼雪法師自滇適吳得法巢雨爲雪浪之立孫一燈再焰人謂滇南萬里邈若天涯兩師代興交光繼照豈非華嚴法界中分身接踵乘願輪而至

者耶師號蒼雪又號南來非偶然也師滇省呈貢趙氏子父碧潭爲
都講僧師幼從雞足山水月道人爲沙彌管書記年十九慨然遠遊
孤筇萬里叩楞嚴於天衣受十戒於雪棲受滿分戒於古心律師聞
雪浪晚棲望亭往參焉浪沒巢松浸開講甘露寺師年廿餘古貌稜
然敝衣下坐除夕奮筆呈詩大衆驚異依一雨潤於鐵山與汰如河
師竝爲入室弟子雪浪之後巢講雨筆各擅一長二師殆兼有之諸
方所謂巢雨蒼汰者也丙申夏應見月律師請講楞嚴于寶華山老
病人扶氣息支綴登座開題圓音落落至第二卷末命弟子代講無
何遂不起見律師護龕歸葬塔中峯寺後二百步余老歸空門與師
結契尤篤每執手語余魔外昌披法眼澌滅黯然欲泣者久之嘗告
其徒風雪當門孤立不懼者虞山一人而已然則師之銘非余其誰

云

讀體

與讀徹同時者有讀體中興南山宗巨子也讀體即見月讀徹本字見曉故可稱爲演僧之二讀又可稱爲演僧之二見御史李模撰見月律師塔銘云昔盛唐之世有龍興寺大律師體公律宗推爲第一李華撰碑稱其道行貫天地或者乘願示現異世而同名歟李華體公碑見文苑英華八百六十則體之不作禮明矣尤侗艮齋倦稿六有華山見月律師傳云予童子時嘗禮三昧和尚於北禪後聞華山嗣法有見月師恨未之識也老至西湖晤其高弟宜潔示予一夢漫言乃循覽贊歎而爲之傳師諱讀體雲南楚雄許氏子少好遊覽嘗至金沙江甸尾山寓浪穹遷赤宕岳矢志修真爲黃冠三載一日偶

行松下遇茅菴老僧與語甚契授與華嚴經持歸閱至世主妙嚴品
翻然有省遂寶洪山亮如法師剃度已聞江南有三昧律師開戒慨
然慕之重繭而行先入南嶽再渡大江始遇昧公于海潮菴計往返
二萬餘里行脚六年矣既圓戒充上座講梵網經析義敷文四座稱
善師猶欲然不自足乃於藏中檢四分廣律六十卷讀之深思研究
由是毘尼大暢距金陵七十里寶華山爲誌公道場年遠頽廢郡
人迎昧公主之師筦院務庀材鳩工堂構一新至今巨剎甲東南師
性剛直遇非意事輒正色折之即師友小過規諫無隱昧公嘗語人
曰老人三十年戒幢若非見月幾被催折臨歿取紫衣戒本付師曰
以此囑汝總持三學師旣嗣席以十事誓衆門人日進國初山寇竊
發入寺蹂躪師誘致渠魁十人設齋供畢以大義責之賊相顧失色

逡巡遁去有譖於大將軍者謂華山通賊遣數百騎執師與衆僧至軍前劍戟如林駢戮鄉民無數血濺緇衣人人惴恐師獨整威儀緩步歷堦合掌而立具陳華山大路不能禁賊往來并前日留食解散之故凡三問三答辭氣從容顏色不變巴敷二將軍陳中丞異之悉解衆僧之縛又欲殺監院克修等三人師爭之曰我是寺主有罪當殺我勿累彼也將軍亦異之並釋不殺還其田地給帖護持寺乃復安師既解難彌勤戒律躬修般舟三昧不坐不臥不旁倚壁立者九旬以其餘力重建殿閣築石戒壇別構慈應禪林隨處說戒如常州之天寧眞州之五臺江寧之碧峯紫竹林宿遷之極樂所至男女老幼闐咽道路戒子一千四百人堂食三萬指法席之盛近古以來未有也論曰學佛而不學律猶欲其入而閉之門也今禪教二家塞破